

革命先烈先進詩文選集

第五冊

馬君武選集

馬君武選集目錄

君武詩集

華族祖國歌	丙午	一
中國公學校歌		一
賤如蟻 哀徵兵也		一
賀高劍公新婚	丙午秋	一
惜離別贈陸女士	丁未春	一
自由	癸卯	三
西湖		三
杭州拜岳武穆王墓		三
贈某		四
去國辭		四
送某君行		四
壁他利亞	甲辰	五
寄生蟲		五
京都	丙午三月	五
贈虞君		五
勞登谷獨居	庚戌	五

辛亥六月至Riesengebirge為地質旅行.....

身家 庚子.....

居汪千仞宅.....

灘江舟中.....

僧謝無量遊揚州 壬寅.....

禹陵 癸卯.....

伊豆雜感.....

癸卯中秋在京都看月憶亡友歐陽華.....

京都寄宿舍.....

嵐山觀樓.....

拉沙兒.....

京都荒神橋.....

地球.....

後軍行 甲辰.....

七思.....

自上海至瑪賽途中得詩十首 丁未.....

別巴黎友人.....

別英倫.....

重到Brussel七日而行.....

Cohn.....

六

六

六

六

六

六

六

七

七

七

八

八

八

八

九

九

〇

〇

〇

一

自Heimbach步行草山間至Ursthalsperr乘電車至Germsind	一一
巴特於初世紀已有羅馬人至其後屬德法兩邦普魯士地臨萊茵河Mosel產葡萄酒有 名於十三世紀有能造磁器云	一一
宿Bos見魯意沙	一一
蒲蘆塞達中山先生將以翌日通倫敦	一一
勞登谷 Luedersal 寄柳人權 庚戌	一一
勞登谷獨居	一一
通胡贈 辛亥	一一
遊拜倫Bayern (南德王國)	一一
別桂林 壬子	一一
壬寅春送梁任公之美洲	一一
哀希臘歌 英斐倫著	一三
阿明臨海岸哭女詩 德國貴推Goethe著	一三
米麗客Milynol 德貴推著	一六
縫衣歌 英虎特Thomas. Hood著	一七
感遇	三二

君武詩集

華族祖國歌 丙午

華族祖國今何方，西極崑崙盡衛藏，層巒萬疊金沙黃，水草無際多牛羊。黃河之源際天長，祖國無乃西界印度洋，非歟非歟？華族祖國不以西爲疆。

華族祖國今何方，長城萬里山爲牆，鮮卑月支悉來王，拓地益北漢武皇。萬國來宗漢冠裳，祖國無乃北界北冰洋，非歟非歟？華族祖國不以北爲疆。

華族祖國今何方，聖人御世波不揚，白雉貢獻來越裳，銅柱巍巍漢德昌。南蠻稽首詣闕降，祖國無乃南界南冰洋，非歟非歟？華族祖國不以南爲疆。

華族祖國今何方，箕子之墓在平壤，日本錫名自有唐，虬髯拓地適餘皇。臺灣開國始鄭王，祖國無乃東界太平洋，非歟非歟？華族祖國不以東爲疆。

爾祖黃帝不可忘，揮斥八極拓土疆，爾祖夏后不可忘，平治水土流澤長。熱血噴張氣飛揚，以統以劍誓死爲之防，華族華族，祖國淪亡爾罪不能償！

地球之壽不能詳，生物競存始洪荒，萬族次第歸滅亡，最宜之族惟最强。優勝劣敗理彰彰，天擇無情傍徨何所望，華族華族，肩鎗腰劍奮勇赴戰場！

中國公學校歌

衆學生，勿傍徨，以爾身，爲太陽，照爾祖國以爾光，爾一身，先自強，修道德，爲堅壘，求智識，爲快鎗。衆學生，勿傍徨，爾能處之地位是大戰場，爾祖父，思義黃，爾仇敵，環爾旁，欲救爾祖國亡，爾先自強。

賤如蟻 哀徵兵也

祖國失地數萬里，四夷交侵國危矣，江南男兒挺身起，腰劍肩鎗從軍始，強國光種乃面體，其點今自徵兵起。老母牽衣哭不止，好鐵作釘古所耻，兒今此行胡爲耳，兒生七歲兒父死，兒生一人無兄弟，辛苦教兒讀書史。兒今成人母心喜，一朝從軍去，老母何所倚，絕裾而去去如矢，送行之人不知幾，萬歲之聲呼不止，祝君戰死爲雄鬼。一朝新兵入營壘，舊兵側目相排抵，警吏和之相附比，舉鎗掣棍羣相擬，前有猛虎後蒼兕，報仇自衛非所已，總督怒，提督懼，懼爲新兵罷官去，屠殺新兵如牛豕，新兵二人梟於市。警吏之罪置不理，國家律例明如水，鬥毆殺人絞罪止，何況鬥毆人未死，國家律例等虛紙，生殺但憑提督意，提督之意卽律例，提督紅頂貴無比，新兵之命賤如蟻，吁嗟乎！新兵之命賤如蟻！

賀高劍公新婚 丙午秋

娶妻須娶意大里，嫁夫當嫁英吉利，我讀歐史每懷疑，知是英雄欺人語。羅馬詩豪說但丁，世間童孺皆知名，自言一卷歡神曲，吾婦煙時披里純。只今更說偷通族，地球到處立新國，史家謂是婦人力，殖民辛苦家庭樂，化學有要旨，分子之原是原子，吾民未造新家庭，侈言新國徒爲耳，金山高劍公，與吾言此理，自築萬樹梅花庵，造新家庭自隗始，二十世紀之六年，秋中花好明月圓，天地歡喜羣靈集，我來聽詠關雎篇，七龍五鳳然華燭。莞蕩挑笙陳綺席，天女排雲擁挂冠，飛仙奏伎張鈞樂，我祝高劍公，并祝劍公婦，澄清天下先一空，改革社會雙聯臂，猗歟休哉，琉璃之杯香雪酒，舉杯齊起爲君壽。

惜離別贈陸女士 丁未春

惜離別，再見恐無期，旅館冬深雪漠漠，吳天沈醉雪離離，是與君，初見時，客裡只餘愁萬斛，冬深勸進酒盈卮，公私塗炭，有情難說，又恨識君遲。

惜離別，再見恐無期，自營土室藏張儉，蓋典金釵遣要離，是與君，重見時，鶴唳風聲驚恐夜，含愁爲我理琴絲，灼灼花容，穠

稜俠骨，祖國一驕兒。

惜離別，再見恐無期，白巾烏帽相招處，汽笛鳴鳴聲再悲，是與君，相別時，悠悠前路一宵話，了了心期數首詩，不定驚魂，無憑虛夢，倉卒送君歸。

惜離別，身世總茫茫，早歲結婚惟嫁國，十年修學更爲強，贈君語，君勿忘，故人次第爲新鬼，祖國依稀認夕陽，落落晨星，吾徒稀少，萬事一身當。

惜離別，我又適天涯，燕子呢喃身是客，落花飄泊故無家，莫回首，夕陽斜，春花秋花迷歸夢，賸水殘山有暮鴉，往事模糊，前途遙遠，努力愛春華。

自由 癸卯

西來黃帝勝蚩尤，莫向森林問自由，聖地百年論異族，夕陽獨自弔神州，爲奴豈是先民志，紀事終遺後史羞，太息英雄淚淘盡，大江嗚咽水東流。

西湖

柳色逢春無限青，含愁獨過湖心亭，茫茫雲水數間寺，了了根塵一卷經。無主河山惟破碎，有情萍絮自零星，梅花已盡餘荒塚，不見孤山處士林。

杭州拜岳武穆王墓

西湖楊柳映朝霞，自結花圈獻岳爺，國會冤刑蘇拉第，敵軍威懾漢尼巴，君臣昏瞶河山耻，父老遮留將士譁，正氣銷沈君莫問，黃龍今日屬誰家。

贈某

悲涼弦管新聞怨，破碎河山一美人，蒼狗紅羊驚舊劫，墜萍飛絮話前因，英雄末路悲醇酒，戀愛新詞寫素裙，金字塔前同一笑，願身成骨骨成塵。

去國辭

九天蒙氣鬱層層，無數沈冤厲鬼魂，暗翳愁看天子氣，蹉跎未報國民恩。屢聞朝市興文禍，痛哭新亭碎酒樽，行矣臨流復一嘆，冷冷哀瑟奏雍門。
文采風流四座傾，眼中豎子遂成名，某山某水留踪跡，一草一花是愛根。休矣著書俟赤鳥，悄然揮扇避青蠅，衆生何事干霄哭，隱隱朝廷有笑聲。
富春江上夕陽微，那有閒情理釣絲，神女何歸洛女綠，聖人不作海波飛。玳瑁得意明珠怨，箏笛當場錦瑟悲，莫向瑤池更回首，舊時樓閣已成灰。
黑龍王氣黯然銷，莽莽神州革命潮，甘以清流蒙黨禍，耻於亡國作文豪。烏魚驚恐聞釣樂，恩怨模糊問佩刀，行矣高邱更無女，頻年吳市倦吹簫。
廿紀風雲諸種戰，凌歐駕美是何年，諸姬淫佚麟潛泣，大廈傾顛燕熟眠。萬里旅行辭祖國，百年戎禍哭伊川，男兒生不與黃禍，甯死滄浪作鬼還。

送某君行

友人一夕忽來辭，腰劍肩鎗赴北非，痛哭荆榛淪祖國，獨行沙漠獵雄獅。冥冥孤往當如此，鬱鬱徒居何所爲，攜手爲言與偕往，小人有母未能隨。

壁他利亞 甲辰

雖雄牝牡萬千族，都似壁他利亞生，簇簇石層知地壽，荒荒物競值天行。且流弔古數行淚，遂起憐他一片心，昨夜舟人實信至，爲言赤道有流冰。

寄生虫

羣羣同是寄生蟲，忽忽乘機遂一逢，黃白衆生猶草寐，東西大陸尙鴻濛。只須拜熱爲先祖，直到成冰是善終，纔過早秋又春暮，滿窗濃綠覆梧桐。

京都 (丙午三月)

山深三月猶微雪，林密長宵覺峭寒，圖籍縱橫忽有得，神思起伏渺無端。百年以後誰雄長，萬事當前只樂觀，欲以一身撼天下，須於平地起波瀾。

贈虞君

與君同讀自由碑，說古談今淚似絲，祖國前途正遼遠，少年發想要雄奇。犬恩似海狐甘負，人肉登場鬼正肥，萍水相逢更何日，停杯執手悵臨歧。

勞登谷獨居 庚戌

海枯生物化新土，石爛流金結幻晶，幾處青山息噴火，百年赤道有流冰。不須終日憂人事，且值陽春聽鳥聲，如使氣船竟成就，子身關地適金星。

辛亥六月至 Riesengebirge 為地質旅行

雪峯出地五千尺，金石搜求到此來，玫瑰紅燈嬌照夜，葡萄名酒勉添杯。爭懸重賞徵歌曲，粗飾茅齋作舞台，我是天涯倦游客，每逢嘉會發深哀。

故人次弟徇宗國，萬里投荒贖此身，太息吳門懸鬼目，倉皇楚市起狐鳴。眼看綠樹隨山盡，心逐浮雲向日行，百畝新桑五畝宅，故鄉容我去歸耕。

身家 庚子

身家小比螻蟻卵，世界多於恆河沙，重重疊疊古今法，生生死死春秋花。

居汪千仞宅

莫更繁魂憶沈郎，故鄉近事太荒唐，樓臺寂寂鬼聲遠，起寫懷人書幾行。

居江舟中

斷岸淒風撲撲吹，遠村羣犬吠聲悲，夜深短艇思往事，茫茫前路我何之？

偕謝無量遊揚州 壬寅

風雲欲捲人才盡，時勢不許江山閒，濤聲寂寞明月沒，我自揚州弔古還。

禹陵 癸亥

勤儉成功死會稽，神洲人物此摩西，賸水殘山尋舊迹，苔花蝕盡禹陵碑。

伊豆雜感

四圍新樹綠鬢髫，湯本園亭瀑布寒，大陸風雲捲不去，却來伊豆看青山。
培養雄心與愛根，十年潦倒自消魂，征衫欲浣猶珍惜，上有伊人眼淚痕。
去國離家人寂寞，斷橋流水月昏黃，遠聞拍岸海潮急，自倚小樓思故鄉。
海上郵船去復回，蒼茫雲水渺予懷，含情願與郵船說，爲載滄州張溥來。溥泉今更名繼

哀怨深知杜宇悲，己身飄泊勸人歸，頻年內熱成何濟，且飲寒冰雜比兒。
朝讀布家人傑傳，夕翻達氏種源書，男兒年少早投筆，莫向書廚作蠹魚。

十一月三日隱元和尙生日，以菊花清酒弔其墓，和尙明末人，偕黃黎洲等來日乞師，時日本德川初建幕府，不允出兵，贈隱元金
建黃檗山萬福寺于京都之木幡村，和尙八十二歲死，葬寺側。

東國乞師一老僧，臨流橫涕憤填膺，仲連不肯帝西帝，黃檗開山爲避秦。
可惜申胥事未成，中原豺虎遂縱橫，荒山拜墓我來晚，俯仰乾坤愧古人。

癸卯中秋在京都看月憶亡友歐陽華

死者無言生者悲，飄流三島我歸遲，疎林流水中秋月，猶憶荒山共語時。
生別已悲況死別，情話於今向誰說，西向撈酒弔鬼雄，千秋遺恨燕山月。
天涯客死孰招魂，有父年衰尙倚門，清夜思君百回哭，亦關公義亦私恩。
桂山共學曾三月，灘水辭君已四年，不盡臨歧親愛意，送行遠過門鷄山。

京都寄宿舍

眼看園丁掃落葉，耳聞雲雀唱新詞，新愁已至舊愁過，綠樹陰中立片時。

嵐山觀櫻

我來嵐山日欲暮，東風吹盡春櫻落，異國看花第幾回，含情獨上大悲閣。

拉沙兒

勞動團中演說歸，女郎爭識拉沙兒，擲來玫瑰數千束，今日花香真滿衣。

京都荒神橋

死生無據况悲歡，逝水遙遙逐不還，憑弔古人望來者，悄然含淚看秋山。

地球

地球九萬里，着身不盈尺，忽忽生遠心，渺渺未有極。世界一微粒，軀殼一纖塵，纖塵千萬億，一一爭生存。存者春前花，亡者秋後草，春秋相代謝，上帝亦漸老。上帝且漸老，吾徒可奈何，行登崑崙巔，一哭復一歌。

從軍行 甲辰

北狄寇邊郡，飛電羽書急，軍人別慈母，整裝赴前敵。母亦無所戀，母亦無所愁，生兒奉祖國，豈爲室家謀？兒父戰死日，兒生未十年，不辭教養勞，望兒成立賢，教兒讀歷史，往事足歌泣，祖國豈不美，世界皆第一。教兒練身體，丈夫之本領，周處殺三蛟，項籍力扛鼎。教兒習射擊，典釵買鎗劍，刺肌戒愛國，隱隱字可見。兒今年二十，投身事戎行，父志既已繼，母願志已償，北狄吾世仇，膺懲今所急，祖國尺寸地，不許今人失。母亦無所愁，母亦無所戀，不望兒生還，恐兒不力戰。

七思

旅館夜夢醒，心寒呼慈母，萬里別家愁，念年育兒苦。荒村隱茅屋，雪深今幾許，家貧耽遠游，兒罪不可數。他鄉知交稀，乞米恐無處。慈母

我已無兄弟，與君情最親，思想同一軌，好學忘其貧。一朝去故鄉，流轉逐風塵，君遠適西蜀，我游東海濱。五年不相見，仰視商與參，忽然君東來，握手驚爲眞，遺書數百卷，囊空無一文，奇節勵冰雪，壯氣叱風雲，祖國益多艱，願君善自珍。鄧孟碩汪生昔從予，屢問疇人學，勵志希前修，久爲俗所虐。年少負奇氣，矯矯雪中鶴，昨夜夢見君，盡以西事托。積雪滿空樓，山頭月未落。汪崑生

携手上河梁，遊于去何之，北風吹灑水，渺渺歸無期，送者皆高歌，斯人淚獨滋，不是歌無詞，悠悠此心悲，七年泛江海，消息無由知，但聞娶新婦，美勝陰家兒，芙蓉映朝陽，摘之欲遺誰。唐西園

誕生夜叉國，斯人美無比，與我同血族，自稱君之弟，桂冠芙蓉裳，累受流俗毀，文章雜儒佛，議論驚神鬼，待我焦山顛，情深指江水。馬浮

潼川謝公子，倜儻世無雙，讀書盡萬卷，飲酒累十觴，醉臥酒家樓，吳姬繞其旁，一朝不得意，驅策還其鄉。遺我金陵詩，字字生寶光。謝無量

含涕別母去，出門何茫茫，國仇未能報，母恩未敢忘。九歲阿爺死，教養賴阿娘，同胞凡五人，追憶惻肝腸。三弟命最短，七日葬北邙，次妹頗敏慧，得疾亦尋常，家貧無醫藥，坐視爲鬼殤。長妹有暗疾，其命遂不長，次弟生九歲，讀書盈半牀，夜深不肯睡，一燈聲琅琅，一夕得喉疾，哀哉醫不良，倏忽爲異物，早慧竟不祥，弟死後五年，阿兄適四方，弟墓無碑碣，踐踏恐牛羊。弟妹

自下海至瑪賽途中得詩十首 丁未

楊子三湘傑，卓然思不羣，論交示肝胆，憂國勞心魂，數滴頸邊血，一塵天外身，河梁暫攜手，別淚忽沾襟。別楊篤生

結綯六十日，送我逼南溟，故國托慈母，他鄉盼好音，殷勤事問學，勞苦理家庭，會復重相見，和聲奏素琴。別內子

羣山現天際，人說是澎湖，感愴乘桴意，模糊屬國圖，綠波迎去艦，紅日照前途，數點漁舟影，微茫忽有無。自海船望澎湖

亞東自由港，久別復來遊，奇器六洲集，彈丸一島浮，澄波立鐵甲，斜磴隱華樓，萬卉爭春發，公園半日留。香港

十里河邊路，亭亭鳳尾蕉，綠陰覆城郭，紅日熟田苗，王氣消南越，人心去院朝，樓船相接處，三色大旗飄。西貢

華人四十萬，來此闢田疇，赤道建新國，青山連亞洲，側身頻北望，轉舵便四游，入海求珠樹，番兒故善泅。新嘉坡

滿地菩提樹，人來拜釋迦，遺經傳貝葉，法座布龍華，石塔依僧院，金籠佇佛牙，康堆湖畔路，容易夕陽斜。可倫布

萬里連沙漠，千峯聳劍形，烹飪肆毛羽，集蛤作簪纓，劍教摩訶末，屯兵英格倫，憑舟感今昔，紅海答潮聲。亞丁

最古文明國，巍然位北非，河山界歐亞，教力競耶回，遺骨安通累，虛名賴賽披，只今坡賽月，寂寞照長堤。坡賽

羣賢各自勉，容易水成冰，合力救亡國，發心造遠因，素絲悲墨翟，中國待牛效，莫說鹿兒島，西鄉愧未能。別中國公學學生

別巴黎友人

自由半生死，名號托平權，大邑空繁艷，斯民久沛顛，青天撥雲霧，平地起華嚴，此非事容易，諸君幸勉旃。

別英倫

百族貢鮮血，莊嚴飾帝都，王旗日出入，國運自盈虛，地老煤將盡，民窮畜正肥，登斯Tidann&河畔水，匆促送人歸。英本國地屬數千地主多不種植而牧羊者

重到 Brussel 七日而行

七日蒲蘆塞，時時醉夢間，蹉跎望青眼，憔悴爲紅顏，短晷經昏曉，清陰換暖寒，康鋪Cambre池畔路，獨立恨無端。微風吹池水，無意生波瀾，波瀾忽起滅，人事幾循環，玫瑰開仍落，蜻蜓去復還，吾生慣飄泊，猶怨別離難。